



鈴山堂集卷第五目錄

詩

秋使靜江先憶鈴山草堂

夕次通州懷京邑僚友

天津

雨夕作

夾溝驛聞曹太僕舟過追候不及寄之

過彭城

呂梁題陳工部觀物亭

高郵湖夜泛

揚州

西湖杭守置酒

九日將至衢州寄楊使君

十日李使君郡齋宴

玉山館吳仁甫太史

奉題閣老費公至樂樓

龍津驛逢錢使君

同徐郡侯登浚渠亭

登宜春風雨在諸公出餞別後懷寄

宣風館

夕次宣風館見壁間題韻輒次一首

盧溪謁周元公祠

夕次醴陵

行經長沙江寄易太史

淶口驛

衡山舟中卧病

謁南嶽

宿雲開堂

宿雲開堂聞提學常甫兄行部奄至遣書迓之

登嶽憇半山亭

金山集 卷五 金
經湘南寺

下祝融宿南臺寺

嶽下逢常甫兄

南臺寺同常甫兄宿聞欽之兄自攸縣來會
嶽下答常甫兄見贈

雲霽堂逢欽之

常甫憲副欽之翰檢與予先後登嶽欽之獨值

雨是日予與常甫坐候雲開堂因賦二章

往歲西泉子約予同遊衡嶽而予不果西泉子
有詩見懷茲登上封追憶前韻和寄西泉子

方廣寺宋晦菴南軒二先生所經衡守計使君

期遊

宿方廣寺讀朱張二先生唱酬集

經西明山

再遊水簾洞

胡文定公書院

南嶽道士

觀音巖僧

衡州

鴈峰寺易太史計使君集

金山堂集 卷五 金
花藥寺

衡州與易太史別

長至祁陽縣行禮時 車駕北征

題瀟湘樓

鎮國山亭

永州城西朝陽巖踞湘水上景號奇絕太守何

君携酒巖上

尋愚溪謁柳子廟

見梅花

全州道中

宿深溪館

全州古松歌

湘山寺唐無量壽佛示寂地

過盤石太守華玉賦詩處

山棗驛夜坐

興安縣

白竹舖

公安何公大古令睢寧有致雨滅蝗瑞麥三異

政令子方伯廷佩請予賦詩

兩廣大都憲楊公母夫人壽祠

金山堂集
卷五
四
太府宴

官署梅花一株盛開

題雙松卷

賦胡明府歸樂堂

喻大行宗之靜藩祭葬別贈

鈴山堂集卷第五

詩使粵蒙

漁石唐龍

升菴楊慎評點

秋使靜江先憶鈴山草堂

南濟江湘去意賒草堂秋色滿煙霞還家偶值陶潛
菊奉使真隨博望槎市近親賓能載酒逕深旌節故
穿花祗於泉石應堪老未倦風塵空自嗟

夕次通州懷京邑僚友

蕭條古臺上雲日蔽秋陰已判同人袂偏傷獨客心

壞窻微月度高樹早寒侵沉念待明發東山蘿薜深
天津

雙流赴海奔形勝此中存潮汐浮元氣金湯峙國門
亭秋葉盡落江曙景逾昏厭聽城笳起邊愁入夢魂
雨夕作

秋氣總成悲那堪積雨時客衣新授褐林葉故辭枝
關塞書難問風波鬢易絲停舟聞夕鴈渺渺向南馳
夾溝驛聞曹太僕舟過追候不及寄之

沛江秋水驛門深叙日扁舟度柳林河漢易成千里
隔雲山難寄萬重心

過彭城

十月彭城水臨觀勢渺漫客帆牽樹杪日夕畏風湍
汴泗流爭長魚龍卧未安無人守茆屋寂寞傍江干

呂梁題陳工部觀物亭

風葉飄搖秋意深古墻幽竹自成林閉門吏散焚香
坐誰識亭中靜者心

高郵湖夜泛

四望渺無際中流揚素波褰衣露華重開帆月色多
病骨成蕭爽秋光入盪摩漢槎天上客歷歷近星河

揚州

金山堂集 卷五
觀憶瓊花色橋憐萬柳陰蕪城舟夜月懷古一悲吟
勝蹟那堪問長江獨至今波間飭龍艦早晚翠華臨
時
上將南巡

西湖杭守置酒

朱幡翠幌在蘭舟綠水澄潭寫我憂雲破樓臺明曉
日筵開簫鼓競中流煙中榭逕藏山寺蹟際菱歌起
釣洲古木蘇堤頻悵望看君爲政繼前修

九日將至衢州寄楊使君

節序信流邁川途仍阻修那知逢九日復此對孤舟
村晚楓鳴葉沙寒鴈叫儔爛柯應在眼未插菊花遊

爛柯山
在衢州

青蘂那經眼空尊解浣愁招尋從令節歡讌阻良儔
寂寂隨寒鴈茫茫泛夕流繁香未衰歇歸賞故林秋
十日李使君郡齋宴

未對重陽菊還逢地主杯風光寧自異懷抱轉須開
戶引清香入山邀好月來巖城看未鎖燈火逐江回
玉山館吳仁夫太史

辭燕仍伏暑度越已深秋並署欣今命聯舟感昔遊
節過黃菊雨詩記玉山郵客路同知己清尊合勸酬

予昔計偕北
上與吳同載

奉題閣老費公至樂樓

袞繡辭天寵巖巒選地偏橫林水石處曾憶釣遊年
旋馬開新築焚魚樂靜便峰晴窻列障松暝鶴栖煙
意狎親魚鳥神怡對簡編寒幃川霧濕搖筆逕花燃
白傳香山社歐公潁水田傳家餘故業經世賴高賢
應有青藜使來尋閣上仙

龍津驛逢錢使君

袁山借寇何由得鄱水逢君本未期為政風流應兩
郡懷人雲樹總多時滄江暮雨維舟楫古驛殘花對
酒卮知己難同嘉會少孤帆欲別更遲遲

同徐郡侯登浚渠亭

渠在郡城西唐刺史李將順所鑿民賴其利目為
李渠久湮徐浚之築亭其上傍有龍祠

徐侯亭子李侯渠水石新呈宿莽餘秋淨野田聞鶴
語雲深山洞隱龍居驅馳暫駐三湘節登賦初陪五
馬車此日佳遊習池共他年故事峴山如

發宜春風雨在諸公出餞別後懷寄

出郭衆峰暝蕭蕭風樹鳴嶺危攀磴上橋斷涉溪行
四牡勤王事三湘問楚程郡齋山霧裏回望渺層城

二

嚴程不可住風雨且須行驛荷群公餞山憐候吏迎
亂峰連霧色深樹隱溪聲夙有遐觀志因忘故土情

宣風館

宣風館前新雨晴南北平分水陸程客心不奈寒溪
水一夜潺湲樹裏聲

夕次宣風館見壁間題韻輒次一首

下馬踈林新月痕隔籬呼酒問清渾江流萍實此鄉
路祠隱濂溪何處村塵裏征驂自來去壁間題墨半
明昏舟軌欲掛湘江水蘭杜難招楚客魂

王得萍實於此盧溪鎮有周元公祠

縣有萍實橋相傳楚

盧溪謁周元公祠

古鎮無監稅高賢有奉祠位卑名德重世遠士民思
風月盧溪迴衣冠宋代遺停驂肅瞻拜敢惜去程遲

夕次醴陵

晨裝去萍邑夕駕憇長沙湖江通兩鎮井里帶千家
楓岸霜鳴葉盧洲月映花即看臨桂水還喜泛星槎
行經長沙江寄易太史

酌酒看花興每濃十年林卧阻遊從常參玉署歸難
並遠使滄江去未逢世事總知榮木槿愁心空惜老
雲松湘園門巷雲陽麓日對秋屏翠幾重

雲陽山名

金山堂集 卷五言
五
涑口驛

爐寒夜坐湘山榻霧重晨開涑口船寧知東觀神仙
侶未了南邦道路緣湘山寺名

衡山舟中卧病

三日病思伏在牀藥物到口不敢當蓬間坐失湘山
翠枕上但憶湘流長曉報昏霾江氣惡臨蒸自昔歎
殊方

謁南嶽

濺濺石瀨交寒溜瑟瑟松枝來遠風村經獨樹柴荆
外路指千峰霧靄中

三日齋心屏俗葷清朝病眼洗衡雲叮嚀入谷停騶
唱恐驚此中猿鶴群

萬壑雲風浩蕩開千重泉溜瀉縈迴始憐竒僻非人
境塵迹何緣此度來

宿雲開堂

寤寐名山遊茲夕山下宿虛館絕浮埃沉沉在幽谷
瞳矓星映除颯爽風動木耳目澹無營靜嘿寡所欲
院寂疑清香更長續明燭慚無昌黎誠晴晦安可卜
明發戒僕夫願恣雲霞矚

宿雲開堂聞提學常甫兄行部奄至亟遣書迓

之

夜聞臺端檄欲駐湘中船良遊匪夙約茲會豈天緣
狂思忽如醒擊衣不得眠紙窻露微月髣髴至我前
紅日出東方曉山映澄鮮高吟振衣去期子層雲巔
登嶽憇半山亭

孤亭翠嶺上層雲煙靄微茫萬里分仙家鳥道迴莫
到石壁猿聲清忽聞幽泉樹杪飛殘滴瑤草巖中吐
異芬看拂丹青朱鳥近焚香先禮祝融君

經湘南寺

半嶺遙聞深逕鍾石堂蘿薜護青松草堂邀客供僧

茗此是雲中第幾峰

下祝融宿南臺寺

山殿隱若堯禪燈照寂寥亂峰臨宿靄古木認前朝
桃水忽相失浮丘還見招欲跨松巖鶴吹笛遡丹霄
嶽下逢常甫兄

白玉堂中鷓鷯群十年江海歎離分豈意與君逢此
地亂山携酒看飛雲

南臺寺同常甫兄宿是夕聞欽之兄自攸縣來

會

香閣珠林倚半天兩人相對嶽峯眠羗村秉燭翻疑

金山堂集 卷五
夢緜嶺乘鸞似下仙雲伴瘦筇過絕壁風傳清嘯隔
蒼煙攸江亦有山陰興莫更虛迴半夜船

嶽下答常甫兄見贈

楚鄉杯酒故情濃猶似長安日過從知己百年憐幾
在勝遊今日歎難逢吟看夜棹溪邊月坐對寒流石
上松昨暮祝融應晦別回瞻雲壑已重重

雲霽堂逢欽之

遠信初聞近復疑西堂清怨獨吟時
湏臾松逕傳銀燭顛倒風亭洗玉卮

常甫憲副欽之翰檢與予先後登嶽欽之獨值

雨是日予與常甫坐候雲開堂因賦二章

祠謁朝景暉峰登雲物變今朝山中客零雨罷聲登
踐林深崖路窄幽賞不可遍磴滑危難步谷暗近莫
辨茲山號靈幻頃刻殊隱見叨余上晴巒萬狀悉輸
獻愧乏搗毫賦琢句被崖蘚君侯擅風騷胷中富溪
巘佳辭出天巧不復勞洗鍊岳巒闕輝彩草樹迷蔥
蒨豈被山靈妬或遭造物譴並觀欣茲奇獨往惜已
殿期君嗣芒屐言保筋力健

晴登適可想雨望奇莫云三子本同志所歷各不群
浴溟初杲日觸石忽膚雲連峰彌震霽八垠渺氛氲

欽定四庫全書
卷之五
八
掀林怒飈激懸壑流泉奔暝色啼玄狖虎豹夾路聞
俯視臨萬仞悄愴驚心魂平生幾竒遊擬刻石上文
虛館遲回車秉燭冀同論

往歲西泉子約予同遊衡嶽而予不果西泉子
獨遊有詩見懷茲登上封因憶前韻和寄西
泉子

幸了登山願慚輸作賦能自驚疲病力亦上最高層
境迴知凡隔神閒上壽增西巖清夜月應照客吟曾
絕頂有巖陡絕壁立鑿徑如線側足乃可度曰捨
身巖前有石梁橫焉曰定心橋俯瞰萬仞同遊者

膽掉目眩莫敢正視予延竚橋上久之傍一老僧
曰觀子神閒其壽徵與并記於此

方廣寺宋晦菴南軒二先生所經衡守計使君
期遊

涉磴登巖費遠尋古松寒寺入榛荆昔賢對榻聞高
咏太守移尊非俗情幽蘭谷裏堪紉佩淥水潭邊可
濯纓林暝杳然迷所適上方臺殿有鐘聲

宿方廣寺讀朱張二先生唱酬集

南嶽衆峰寺寺期夤緣高窮上封覽靜寄南臺眠
湘南與依空瑣瑣不足傳方廣嶽西麓蹟勝由名賢

金山堂集 卷五 九
朱張兩夫子杖屨來當年高辭貴巖石老宿依寒禪
而我二三子景行志彌堅躋攀越林澗悵望迷雲煙
不見谷中人但聞山下泉馳驅限于役申日輶車旋
幽境夙所尚塵累何當捐

經西明山

崖登渺竒興况喜故人同石路寒山裏溪流萬木中
幽花晴沍露高樹晚多風勞思何能洗清尊幸不空

再遊水簾洞

此是朱陵第二遊恍疑雲水闕仙丘磴盤鳥道蘿煙
暝潭隱龍宮雨氣浮聞有高人眠醉石擬將俗耳洗

寒流摩崖細認題名字苔色蒼蒼萬古秋有巨石巨澗中刻冲

退醉石四字

胡文定公書院

文定祠堂衡嶽下嶽雲祠榜映崔嵬千年絃誦餘巖
室長遣山靈護綠苔

精思妙契了殘編杖屨南山二十年鉛槧未終還仕
籍風塵顏面愧高賢

南嶽道士

焚香松下迎官長捧爵爐前禮嶽君青鞋不畏蒼崖
路日日峰頭行白雲

金山堂集 卷五詩
十一
觀音巖僧

自云家世本湘川來往名山斷俗緣
只借蒲團供宴坐不管巖花易歲年

衡州

積水長天盡深冬暮景催吾仍問南去
鴈向此中回嶽晚和雲立花寒對驛開
侍臣清禁上荒徼幾時來鴈峰寺易太史計使君集

衡陽淑浦水煙通落日來登回鴈峰星軺玉節道路
遠洞庭瀟湘雲霧重川長不見傳書鴈寺古仍餘夾
道松山園綠竹扶疎好共惜佳人此地逢

花藥寺

昨暮鴈峰宴今晨花藥來揚曰善用杜如已出似携餘興往更待好懷開
樓閣盤幽嶂香煙上古臺楚地多奇勝吾慚作賦才

衡州與易太史別

輜軒遵嶺路別棹倚川湄蕭條風壤異婉婉歲年侵
疇昔懷同侶茲鄉逢所欽清芬襲嘉惠逸響激瑤琴
復感承明直何如湘水吟茹齋攸江上憶爾會相尋
長至祁陽縣行禮時 車駕北征

使節祁陽逢至日縣庭班列覲天光即看暖入深宮
線正想風飄合殿香塞馬力應疲雨雪江鴻書不到

衡湘寒雲落木催愁劇魏闕滄洲引睇長

題瀟湘樓 永州

山色青瑤潤江光素練長誤疑看圖畫乃覺臨瀟湘

鎮國山亭

朱甍開邸第竹逕得山家桂種瑤臺樹蓮開玉井花
傾杯移渤解染翰動龍蛇疑有神仙過鸞簫隔彩霞

鎮國工
草書

永州城西朝陽巖踞湘水上景號奇絕太守何

君携酒巖上

危石野亭雲外賞澄潭仙舸鏡中回朝陽巖洞堪留

客湘水湘山對舉杯

尋愚溪謁柳子廟

柳侯祠堂溪水上溪樹荒煙非昔時世遠居民無冉
姓蹟奇泉石空愚詩城春湘岸雜花木洲晚漁歌清
竹枝木子結有韻妙在猶字古來多謫宦長沙猶痛賈生辭

見梅花

歲盡荆南霜霰稀天晴山霧濕人衣馬上朝來如見
雪因傍梅花過翠微

全州道中

梅花千樹雪松葉萬溪雲湘源行日日賴爾灑塵氛

宿深溪館

湘臯風物晚淒淒候館星輶日向西
白屋扉臨一水靜蒼山路入萬松迷
寒衝毒霧霑衣潤暝坐幽篁廳
雨低不見此中猿鶴侶恐棲蘿月在深溪

全州古松歌

全州古松大道邊白晝暝色行蒼煙
谿迴路轉不知數直至興安陰
接連蛟龍拏空勢欲舞往往呼號作
風雨大枝屈鐵少枝盤偃蹇突怒如
相忤時復一株羅樵斧槎牙無枝形
獨古誰栽此松經幾禩國初太守名
猶記章守復勝蹟曾留學士題解公縉繁陰長與

行人憇松風冷冷山寂寥松月皎皎
明清霄遙想山中風月下定有鶴仙
吹玉簫

湘山寺唐無量壽佛示寂地

湘山臺殿翠微連石塔禪身坐儼然
祇樹天移兜率境金燈焰續會昌年
楊日詩紀實最不易

雲嵐坐湧巖扉暝薜荔行遮塔逕斜
兩日炎州病如洗湘山寺裏見梅花

過盤石太守華玉賦詩處

盤石江山雨瀟瀟行客雙旌足馬遙
醉起題詩臨峭壁令人却憶顧東橋

山棗驛夜坐

沂嶺路岐仍渺渺拍林風雨更朝朝清溪傍竹聽蕭
瑟小驛燃燈坐寂寥湘浦葉飛驚歲晚鈴山家在憶
書遙垂垂一樹梅花白賴爾能將旅思消

興安縣

興安城郭枕高丘湘灘水分南北流萬里橋頭風雪
暮不知何地望神州城西有萬里橋昔人以京師至此萬里因名
破屋古松喧夕籟遠峰寒霧起層陰梅花兩岸灘江
水歲晚相隨到桂林

白竹舖

午飯車停白竹舖寒旌馬度黃茆岡江分二水湘灘
外路迤孤城雨雪傍巒洞雲霞隱僻絕野田松竹連
青蒼遙看溪嶂憐佳境却畏風煙歎異鄉

公安何公太古令睢寧有致雨滅蝗瑞麥三異

政令子方伯君廷佩請予賦詩

中牟循吏績江陵長者言如聞何令事不愧古人賢
為政寧求異躬行可格天棠留睢水上碑照峴山前
兩廣大都憲楊公母夫人壽詞楊太師文敏之

孫也

中丞繡斧移南粵壽母霞觴宴北堂貞史百年刊闡

金山堂集 卷五詩
範相門三世引書香祥暉映海扶桑近春色臨堦玉
樹長何止庭闈奉牲鼎待看勲業在旂常

太府宴

峰攢錦石當軒秀霧隱晴花拂檻高鼓角聲中催送
酒松杉影裏借揮毫

官署梅花一株盛開

只怪幽香生別院不知春色在南枝繞樹百迴吟看
汝天南日暮酒醒時

題雙松卷

庭中雙松樹柯葉何青青歲晚巖居子相期來斲苓

賦胡明府歸樂堂

燕粵風埃萬里餘羊腸歷盡始回車竹泉蘿月皆幽
事桂嶺星巖仍故廬

喻大行宗之靜藩祭葬別贈

宗藩勤卹典漢使下彤墀雲捧青霄節山開碧殿祠
桂江題句勝藤浦繫舟遲聞有慈幃別重歌四牡詩

鈴山堂集卷第五

鈴山堂集卷第六目錄

詩

晨觀風洞登疊綵樓歷拱辰亭亭為鎮守傳中
貴所創巖巒奇聳千里在目諸巡院有詩予
輒次韻是日介行登賦不盡興也

題風洞

題虞山廟

虞山宴別 二首

暮次靈川懷寄大叅師舜憲副天益二鄉丈
除夕全州少司徒梅軒蔣公邀集少傅敬所公

金山堂集 卷之六
之兄也致政官傅張公涇川在座有詩次韻
二首

全州歲夜

元旦全州行慶禮

元日燕宮傅涇川公第用韻

拜謝涇川公見贈

附錄贈詩

發湘江

石期驛逢李明府

早霽與計使君泛湘江遂登望嶽亭觀武侯廟

新成二首

予少孤多病恒有憂生之嗟今年四十矣日月

于邁祿不逮養學未有聞使經衡山適邁初

度矢痛申情爰成茲詠焉 三首

歸次醴陵

慧力寺

移疾慧力方丈呈郡中諸君子

不寐

夜至太平觀 二首

陳節推父在南昌寄贈

贈陳侍御原習

郡內逢春

廬洲宴集值雨贈羅使君

過雙龍寺

山行贈仁甫二首

寄仁甫

題黃氏池亭

雨望

贈張秀才

春日遊石乳洞

遊洪陽洞

彬江羅使君宴別

師儉堂

雙谿

題龍封君願貞卷

蕭氏鳳山別業

郡學羅守新肄樂請予觀賦

閱武亭置酒

曉登春臺二首

和唐侍御晚登春臺

金山堂集 卷之四
三
曉登春臺用韻

惠上人房

夏夜府公辱過

酬羅使君仰山之招

鈴山夜別簡侍御得寬字

陽春書院唐朱二侍御邀集

薛樓宴集次汪戶部希會是日出師捕安義之

寇

夜登明遠樓同王陽明中丞唐朱二察院

龜峰寺

上巳玉山集

塔山望

自西湖入靈隱上天竺

嘉興三塔寺留別朝儀子謙二使君年丈

虎丘寺侍少傅守谿公遊奉次高韻

東平遇雨

蓮花淀舟泛

盧溝橋

憶鈴山寄溪亭明府

南京戶部後池雙蓮同幹大司徒王公邀賦

鈴山堂集卷第六

詩使粵藁

漁石唐龍

升菴楊慎評點

晨觀風洞登疊綵樓歷拱辰亭亭為鎮守傳中
貴所創巖巒竒聳千里在目諸巡院有詩予
輒次韻是日介行登賦不盡興也

孤亭絕嶂倚南天碧樹蒼崖共莽然八桂雲山供作
賦群公尊俎坐籌邊嚴城鼓角傳清曙落日帆檣出
斷煙王事未能窮勝覽北風搖檝下湘川

蒼茫寒霧起遙天歲晏憑高思渺然夜發仙槎南斗
外春瞻御座綵雲邊湘源水色浮晴雪桂嶺花枝拂
瘴烟莫恠題詩惜幽賞子長竒興在山川

題風洞

寧知巖洞古平臨闌闔中梵閣開丹鷺仙梯躡彩虹
遙峰晴吐霧陰磴靜含風安能賦招隱來扳幽桂叢

題虞山廟

重華千載後遺廟在南夷絃想薰風奏庭思鳳鳥儀
斷碑苔蘚合幽洞薜蘿垂髣髴移仙駕乘雲度九疑

虞山宴別

臘二十五日發桂林方伯何君珊憲使宗君璽大
叅彭君夔憲副張君祐陳君伯獻都帥戴君儀王
君繼善偕餞虞山廟之南薰亭上既謁廟乃宴乃
往觀于廟後之韶音洞既醉賦詩留別諸君子
山隱韶音洞江橫舜帝祠旌旄動出餞巖石借題詩
客路春梅色湘洲碧草辭都忘去程暮留賞更傳卮

二

贈言紛授簡祖席迴臨城奉使憐遐域群公荷別情
灘波經地險桂樹向冬榮勝會知難再相思一寄聲
暮次靈川懷寄大叅師舜憲副天益二鄉丈

金山堂集 卷之六
天南歲晚更依依朔雪寒雲遶樹飛投館驚看風土
異臨觴悵惜故人違情同灘水仍西注身似春鴻向
北歸想見郵亭頻駐馬獨吟千嶂已斜暉

他鄉相見故人稀聽唱驪歌欲濕衣數酌猶臨碧水
坐兩輿空指暮林歸池臺月浸薇堂影繡斧霜傳桂
嶺威長路題書祝餐飯壯圖勲業莫相違

除夕全州少司徒梅軒蔣公邀集少傅敬所公
之兄也致政官傅張公涇川在座有詩次韻

二首

除日他鄉倍憶家聚星高會轉宜誇能堪黃閣留賓

席正賴清尊遺歲華青蕙色凌階下雪玉梅香破臘
前花烟霜旅棹催晨發已報春風動水涯

臺閣勲名重 帝家不因榮盛有矜誇那知守歲逢
椒頌却喜登堂咏棣華吟就謝池憐夢草醉歸唐苑
憶看花履端更有明朝慶皇澤春陽總未涯

全州歲夜

殊俗聊相值空堂誰與同燈明深雪裏歲盡漏聲中
野暗孤城柝庭高古樹風頻年遠爲客此夕意何窮
元旦全州行慶禮

燎火通宵設軒車拂曙來星隨雙節動雪映百屋開

聖壽齊嵩華春陽編草萊翠華天北極應指塞垣回
元日燕宮傳涇川公第用韻

午橋來訪晉公家重德高名豈浪誇開逕竹松便逸
隱登堂山水占清華宜春總換桃符帖趨俗先傳彩
勝花願借栢觴增五福直從滄海詠無涯

碧潭青嶂遶千家風景真堪對客誇海內衣冠尊洛
社天南旌節駐皇華春從陰谷潛回律雪應豐年密
作花他日勝遊那可再繫帆重醉粵江涯

拜謝涇川公見贈

曾隨玉署瞻先達愧謁龍門已後時往事殷勤勞晤

語非才流落負心知湘山夜雨流觴久灘浦春波放
棹遲別後雙魚難定覓但吟佳句一相思

附錄贈詩

并序

涇川病叟張潔

回首玉堂天上遊驚看玉樹過南州登科豈必傳三
唱受卷曾知讓一籌館閣栽培他日地文章經濟古
人流湘山夜雨皇華驛傾倒能令老病瘳

編修嚴君維中弘治乙丑進士是科予爲受
卷官見其制策驚人擊節稱賞既而不得預
一甲之選爲之扼腕大息往事不足深究予
謂乘除物理之數君所就當未可量書此識

贈以為後來左券云

發湘江

人日移舟湘水岸東風吹浪散寒陰城邊栢葉留春
酌沙際滄浪清客吟烟村小逕通漁浦石壁迴谿映
竹林時向舟人問佳境前程幾處費登臨

石期驛逢李明府

清苦東安令心期得共論官看銅綬貴貧惜布袍温
野樹依巒嶂春江對驛門天涯一攜手風雨送離尊
早霽與計使君泛湘江遂登望嶽亭觀武侯廟

新成

倚棹江天豁移尊草閣幽到窻分嶽翠當檻瀉烝流
春至花經眼秋深月滿樓使君時對客詩興遶滄洲

二

川接烝湘會城臨棟宇開武侯今寂寞公為掃莓苔
世遠懷龍卧江春識鴈回天涯山水郡落日進餘杯
予少孤多病恒有憂生之嗟今年四十矣日月
于邁祿不逮養學未有聞使經衡山適邁初
度矢痛申情爰成茲詠焉

婉變為童子父母不暫離出門十顧望恒恐兒寒饑
受氣素薄弱既長猶尪羸多疾貽親憂焉保黃髮期

庸知四十載老大生髭鬚中朝玷榮祿出使萬里歸
公廚飯白粲文錦褰華衣衣食豈不美親養弗可追
初度臨茲辰愴惻有餘悲海波逝莫回悲傷竟何爲

二

飭駕辭桂嶺弭棹越江湘我行幾何時已涉萬里疆
萬里豈漫遊王命肅所將咨詢徧原隰登眺窮崖岡
聞昔太史公足跡好瓌竒東遊探禹穴南浮踰九疑
山川激壯氣一以昌文章赧予誠薄陋懷古意慨慷
男子始生朝弧矢懸門堂眷言四方志豈必懷故鄉
睠彼孤黃鵠矯翮雲天翔啾啾茅簷下燕雀空榆枋

三

弱齡不量力高視慕前儔學道思理人洗心念寡尤
奄忽踰四齡此志但悠悠聰明異前時行業不加修
抱冊時呻吟寧免遺忘憂雕蟲技何補食粟顏堪羞
中夜起長嘆反躬時內省宣父戒無聞漆雕慙未信
勲業弗及時白髮忽生鬢嗟彼萬里道中途可旋轉
願言加餐飯努力桑榆晚

楊目三首
有古選風

歸次醴陵

悠悠駐雙騎翼翼抗前旌雲物媚清旦山水映孤城
平野楚烟碧高峰松雪明客愁渾欲失已入故鄉程

慧力寺臨江

古道蒼松轉重洲碧水連橋傳伏馬地臺憶讀書年
客舫平沙倚禪燈夕嶂懸馳驅愧塵鞅棲息歎何緣

移疾慧力方丈呈郡中諸君子

時有寧藩之變

城市誰能此地遊石堂禪榻借深幽藤蘿月上諸峯
靜樓閣風迴古木秋病身偶似維摩室客思應同王
粲樓已惜浮萍自流轉却扳叢桂更淹留

漫懷陶謝與同遊悵惜青山古寺幽江縣羽書頻報
警石門蘿薜自宜秋孤城片月聞吹角落日千峯對
倚樓瀟水驛亭舟楫地異時尊俎記相留

不寐

羽檄連宵至徵兵列郡聞乾坤遂戎馬雲日更炎氛
食祿寧辭難臨危好策勲燈殘僧閣夜孤枕百憂紛

夜至太平觀

暝色山徑入鐘聲林杪來道人驚客至燭下松門開
瑤席凝芳篆琳館絕浮埃塵襟藉消豁天明車騎催

二

群仙朝上帝高居儼太清玉池泉不涸玄圃樹長榮
劍作蒼龍躍笙同彩鳳鳴倘因值靈藥此地問長生

陳節推父在南昌寄贈

金山堂集 卷六
郡閣蕭條晝掩扉。窓中林岫待玄暉。東湖亦是桑乾水。應望袁山日憶歸。楊曰是真唐絕

贈陳侍御原習

木落歲年晚。空江忽到公。世途千轍異。高論一尊同。懷玉幽人志。纓冠國士風。重溟隔南紀。瞻望渺行驄。郡內逢春。春日春臺宜。引望萬家城。郭慶春新彩。旛花勝巧隨。俗栢葉梅枝清。傍人離離雪。樹開晴旭冉冉。風烟度野津。還沾郡邸賓筵。醉轉覺鄉園物候親。

盧洲宴集值雨贈羅使君

名園邀客綠尊開。紅旆行春五馬來。江迥波聲喧几席。山寒霧色隱樓臺。庭中翠蔭延修竹。林下幽芳折老梅。爲報青陽布新令。滿城甘雨使車回。

過雙龍寺

入谷嵐霏重。開門松寺深。灘流萬木罅。蘿擁衆峰陰。溪鷺仍寒浴。潭龍或夜吟。楚地多風雨。春山不可尋。

山行贈仁甫

萬峯雲度壑。孤寺雨鳴溪。馬渡溪前水。疑憐錦障泥。

二

共宿東窻下。中宵雷雨聞。風塵遲雙劍。好爲拭龍文。

寄仁甫

篁木翳深嶺獨行千嶂間溪山正竒絕霖潦倦躋攀
聞子渡前壑日暮臨河還相思阻幽夢一夜雨潺湲

題黃氏池亭

黃生池閣清獨宿怡我情高窻延霧色曲澗遶泉聲
鄰里間能過鷗魚近不驚永學溪中釣寧求世上名

雨望

高樓集飛雨半入空濛間梅痕低暎水草閣暝依山
境寂渾饒睡杯深忽破顏五嶺愁難望烟中疑翠鬟

贈張秀才

吾愛張明府承家不乏賢芳蘭臨謝砌白壁照藍田
暮雪明書幌春鶯對別筵天池待鳴鳳綵翼看騰騫

春日遊石乳洞

躋險邁靈室賞勝得仙谿紫泉飛作雨玉髓積如泥
暫駐心寬爽重尋巖逕迷擬結丹霞想來從靜者棲

二

地隱林巒秀春餘草木芳古巖宜置酒清溜忽霑裳
有象名難具無言趣轉忘未云歡賞罷歌吹送殘陽

遊洪陽洞

二仙何代隱巖阿澗綠山青長薜蘿塵世總經桑海

金山堂集 卷之六
變丹丘長占水雲多天台到擬逢桃實石室歸疑爛
斧柯思向此中尋靜侶因牽俗累欲如何

彬江羅使君宴別

乳洞初旋蓋郵亭復此筵夜歌臨浦月春賞寄雲泉
賓從滁山醉風流峴水傳所嗟牽遠役安得重延緣
師儉堂

山泉野飯聊今夕金谷銅駝非故時隨緣自有數椽
足題儉真成一字師

雙谿

宛似名山入武谿花源仙艇記還迷春圃剪蔬逢客

至午窻九藥聽鶯啼

題龍封君頤貞卷

學道人未識端居遺俗紛靈龜導真息玄豹養深文
履坦自多吉逃名世却聞當時讀易處幽室灑蘭芬

蕭氏鳳山別業

卜築傍幽深烟霞費遠尋窻喧石磴水檻落翠峰陰
巢鵲依新主谿花發故林應招白雲侶終日伴閒吟
郡學羅守新肄樂請予觀賦

竭聞金絲奏洋洋黌舍中跡類觀周廟神疑遊澤宮
徵師來獨遠享聖禮攸崇茲郡慙遐僻居然鄒魯風

金山堂集 卷之六
十
偉哉賢守化不羨蜀文翁

閱武亭置酒

山擁賓筵翠城圍將壘高霜天清鼓角雲日麗旌旄
箭迅穿鴻鵠杯香擘蠨蛸取醉自茲別臨岐贈寶刀

曉登春臺

揚目

首尾清典

樓閣山寒裏肩輿衝曉來仲冬群木下初日萬峯開
平野何寥邈層城亦壯哉予心慕竒勝欲別更登臺

二

山暝烟嵐合城高睥睨齊攀躋興不極曠望意還迷
風壤荆吳際星文翼軫西遺祠深木裏來客拜昌黎

和唐侍御晚登春臺

春臺夕上興猶竒落木蒼蒼白日遲行傍逕梅詩自
好坐看松嶂榻頻移江城攬轡霜威迥山閣開尊月
色宜莫爲浮雲望天際恐增愁思倚闌時

曉登春臺用韻

翠嶺烟開楚望竒綠江天盡鳥飛遲松杉覆郭冷風
起樓閣當空淑景移巖樹故因時序改山雲豈與俗
情宜雙峯寂寂應相對悵憶高人獨往時

二袁山漢高士袁京

居所

惠上人房

絕壑聞流水香牀住半天林間飛蓋入松下看雲眠
谷鳥知春候曇花識靜緣冥心遺所適豈必定中禪
夏夜府公辱過

山月照庭際如傳松桂神到門銀燭遠當席錦袍新
自惜迂踈舊多慙寵顧頻荒居寡承奉小酌愧情真
酬羅使君仰山之招

開緘見月生幽思清曉雨聲翻屋來千峯古木啼猿
處空憶題詩坐石苔

鈴山夜別簡侍御得寬字

柱史來天上相過坐夜闌霜威清斲假月色好同看

晨渡河冰壯春浮楚澤寬臺臣綱紀地送子見才難

陽春書院唐宋二侍御邀集

逆藩故官也

陽春院裏花仍發不飲其如春色何高臺曲沼人能
到遲日濃烟景自多猶憐綠水飛鴻鴈更着蘭舟採
芰荷章郡昇平異前日時邀驄馬一相過

薛樓宴集次汪戶部希會是日出師捕安義之

寇

城外章江碧草春城頭高閣綺筵新野航受客還依
渡江燕穿花不避人山川南國登臨在今古浮雲感
慨頻戰舸眼邊連夜發捷書早報放吾顰

金山堂集 卷六詩
夜登明遠樓同王陽明中丞唐朱二察院

遙夜肅已靜朗月照重湖風窻倚天漢星嶠臨蓬壺
的的徐亭樹寥寥霜署烏微言歡欲奉清賞未云徂

龜峰寺 弋陽縣

森森蔭水栢暝暝入山烟始驚靈境絕忽步翠微先
異狀群峰出幽探萬慮捐心期駕鸞鶴從此問真仙

二

鳥鳴芳樹暗雲度碧峰陰春益林巒秀山圍洞壑深
青蓮窺色相綠竹動謳吟人世那逢此丹谿一一臨
上巳玉山集

巖嶂何盤鬱汀洲復渺綿江深迷草樹林霽淨風烟
蘭葉修春裊楊花對別筵不醉河陽酒愁心益惋然

二

懷玉今辰到官亭憇晚晴連山雨渺渺獨樹花盈盈
對酒三春暮離家一月程舊窓園木暗惆悵忽聞鶯

塔山望 玉山縣

初聞流泉響漸入深林間靈峰窺寶塔竹徑欵禪關
掩曖花覆谷空濛雨映山回看萬壑裏雲霧渺人寰
自西湖入靈隱上天竺

蘇橋初進艇靈峰忽振衣三竺開丹鷲諸天在翠微

金山堂集 卷之六
三
礪水浮花片松磴鎖烟霏屈折巖扉到蕭條苔徑歸
藉草還留酌聞香頓息機

嘉興三塔寺留別朝儀子謙二使君年丈

三塔移舟望若仙穹林翠壑俯江烟鷺花對酒城春

麗鍾梵登樓海日先世路無端頻送客空門不礙擬

逃禪與君更是燕吳別衝雨開帆各惘然寺圍有先照樓

虎丘寺侍少傅守谿公遊奉次高韻

禪逕香臺訪碧山玉堂黃閣奉台顏乍揮藻翰花爭
麗久脫朝簪鶴並閒林下看雲松影靜巖邊着屐蘚
痕斑分明仙舸中流坐瞻送宮袍月下還

潭渚逶迤草樹重上方臺殿隱孤峰清輝夜吐吳城

月虛籟寒生梵院松窓瞰浦雲宜引望石留僧講謾

遺蹤移舟更欲歸城市惆悵青山日暮鐘山巔有閣名千頃雲

寺前千人石生公說法處

東平遇雨

急雨來東郡蕭蕭亂入雲禱祠諸路見亢旱一春聞
風疾吹疑斷天高灑易紛都饒萬民望吾亦洗炎氛

蓮花淀舟泛雄縣

沿洄洲渚異演漾水雲空綠荷初冒日青蘋解起風
唳鶴橫天迥眠鷗炯雪同會意聊自適望美轉難窮

盧溝橋

逝波起句是古選與行客汨汨無時休。猊蟠明積雪，虹飲巨長流。

曉月迷征騎，春沙壓弊裘。經過道傍寺，喝思且淹留。

憶鈴山寄溪亭明府

小逕升堂綠檜長，翠屏終日對鈴岡。丘園物色閑閑在，朝市風塵事事忙。尚憶琴尊同笑語，最憐風雨發舟航。朝來馬上逢鄉使，為寄新詩當八行。

南京戶部後池雙蓮同幹大司徒王公邀賦

朱夏尚書省，池蓮表異祥。絳葩開並蒂，青乳結連房。晚夢紅雲麗，披翻翠蓋長。文鴛紛比翼，振鷺儼分行。

引類何猜妬，凌波故頡頏。靈妃泛湘浦，趙女入昭陽。照月平分影，迎風倍有香。瑞呈鮫室外，盛過鯉湖傍。早曠憂方劇，芬敷理詎常。氣和占聖世，地重切公堂。嘉木歆連理，靈芝頌九光。予慚職歌頌，留賞濫華觴。

鈴山堂集卷第六



